



Inatsisartunut ilaasortaq
Malik Berthelsen
Siumut

§ 36 naapertorlugu apeqqummut nr. 2010-33 akuunerulersitsineq pillugu akissut

17. februar 2010
Sagsnr. 2010-024961
Dok. Nr. 309307

Naalakkersuisut oqaatsitigut akuunerulersitsineq pillugu inatsimmut apeqqutinnut ataani allassimasunut qujapput matumuunalu akissuteqassaanga.

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@gh.gl
www.nanoq.gl

- **UPA 2006/46 - Aallaavittut isigalugu kialluunniit nunatsinniittup kalaallit, danskit tuluillu oqaasii atorlugit oqalunnikkut inuiaqatigiinni akuunerulersinnissaanut, kiisalu kalaallit kulturiannik inuiaqatigiinnillu paasinnittaatsimik ilinniartinneqarnissaanut Naalakkersuisut siunnersuuteqaqqullugit Inatsisartut aalajangiffigisassaattut siunnersuut Siumup Inatsisartunut ilaasortaanit saqqummiunneqartoq inatsisartunillu akuersaarneqartoq sumut killippa?**

Akissut:

2006-imi upernaakkut Siumup Inatsisartuni gruppiata, Naalakkersuisut oqaatsitigut akuunerulersitsinissaq pillugu siunnersuummik saqqummiussinissamut pissaaffilerneqarnissaannik aalajangiiffigisassatut siunnersuut saqqummiuppaa (UPA 2006/46), aallaavimmigut Kalaallit Nunaanni tamanut periarfissisussamik kalaallit, danskit tuluillu oqaasiinik aamma kalaallit kulturiannik, oqaluttuarisaanerannik inuiaqatigiinnilu pissutsinik ilinniartitaanissamut.

Inatsisartuni aalajangiivigisassatut siunnersuut aamma oqaatsitigut akuunerulersitsinissaq pillugu suleqatigiinnik pilersitsisoqarnissaa isumaqatigineqarpoq. Siunnersuut Inatsisartut Kultureqarnermut Ilinniartitaanermullu ataatsimiititaliaannut suliasatut inassutigineqarpoq, tamatumalu kingorna ataatsimiititaliap isumaqatigiittup siunnersuut akuersissutigineqassasoq inassutigaa.

Oqaatsitigut akuunerulersitsinissaq pillugu suleqatigiit innersuussutitik Naalakkersuisunut martsimi 2007-imi saqqummiuppaat. Nalunaarut immikkoortunik pingaarnernik pingasunik imaqarpoq, anguniarneqarluni Kalaallit Nunaanni tamanut atuuttumik oqaatsinut politikkeqarnissaq, ilinniartitaanermi oqaatsitigut ingerlaavartumik ingerlatsinissaq aamma suliffeqarfinni oqaatsinut politikkeqarnissaq. Naalakkersuisut oqaatsit pillugit politikkimut siunnersuummik suliaqarnerannut, innersuussutit taakku aamma Inatsisartut Siumup oqaatsitigut akuunerulersitsinissaq pillugu siunnersuutaanik suliarinninnerat ilanngunneqarput.

- **Aammalu qaqugu Naalackersuisut inatsisissamik siunnersuuteqarniarpat?**

Akissut:

Naalackersuisut Oqaatsinut politikki pillugu Inatsisartut inatsisissaattut siunnersuummik 2009-mi ukiakkut saqqummiipput, tassanilu oqaluuserisassatut immikkoortoq (UKA 2009/88) siullermeerneqarluni. Naalackersuisut aammattaaq ilisimatitsissutigisinnaavaat Inatsisartut upernaamut ataatsimiinnginneranni inatsisissatut siunnersuut pillugu isumasioqatigiisitsisoqassamaarmat. Naalackersuisut oqaluuserisassatut immikkoortoq upernaakkut ataatsimiinnissamut 2010-mut saqqummiussassatut nalunaarutigereerpaat, tassani aappassaaneerneqarnera pingajussaaneerneqarneralu pisussanngorlugit.

Inussiarnersumik inuulluaqqusilluta

Mimi Karlsen